

Et mox Pontifex versus ad ordinandos genuflexos, dicit sine mitra :

**D**OMINE sancte, Pater omnipotens, ætérne Deus, bene ✠ dicere dignáre hos fámulos tuos, quos ad Subdiaconátus officium eligere dignátus es; ut eos in sacrário tuo sancto strénuos, sollicitósque cœléstis militiæ instítuas excubitóres, sanctísque altáribus tuis fidéliter subministrent; et requiescat super eos Spíritus sapiéntiæ, et intelléctus; Spíritus consilii, et fortitúdinis; Spíritus sciéntiæ et pietátis; et répleas eos Spírítu timóris tui; et eos in ministério divíno confirmes, ut obediéntes facto, ac dicto paréntes, tuam grátiam consequántur. Per Dóminum nostrum Jesum Christum Filium tuum, qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. *ñ.* Amen.

Tum Pontifex sedens, accepta mitra, amictum, qui in collo ordinandorum jacet, imponit super caput singulis, dicens :

**A**CCIPE amictum, per quem designátur castigátio vocis. In nómine Pa ✠ tris, et Fi ✠ lii, et Spíritus ✠ sancti. *ñ.* Amen.

Tum immittit manipulum in sinistrum brachium cuilibet, dicens :

**A**CCIPE manipulum, per quem designántur fructus bonórum óperum. In nómine Pa ✠ tris, et Fi ✠ lii, et Spíritus ✠ sancti. *ñ.* Amen.

Post hæc induit quemlibet tunica, et si tantum unica sit, immittit illam cuilibet solum usque ad scapulas, ac retrahens, postremum totaliter induit, dicens cuilibet :

**T**UNICA jucunditátis, et induménto lætitiæ induat te Dóminus. In nómine Pa ✠ tris, et Fi ✠ lii, et Spíritus ✠ sancti. *ñ.* Amen.

Postea accipit, et tradit omnibus librum Epistolarum, manu dextera ipsum simul tangentibus, dicens :

**A**CCIPIE librum Epistolárum, et habéte potestátem legéendi eas in Ecclésia sancta Dei, tam pro vivis, quam pro defúnctis. In nómine Pa ✠ tris, et Fi ✠ lii, et Spíritus ✠ sancti. *ñ.* Amen.

Omnibus expeditis, suggerente Archidiacono, ordinati redeunt ad loca sua; unus tamen de noviter ordinatis, tunica indutus, dicit Epistolam suo tempore.

DE ORDINATIONE DIACONI.

**S**UBDIACONIS ordinatis, Pontifex, reassumpta mitra, accedit ad sedem suam, vel ad faldistorium, in cornu Epistolæ, ubi sedens cum mitra, oblato sibi libro et candela, legit Hymnum. Benedictus es, vel Allelúia, cum Versu Benedictus es, si sit infra Octavam Pentecostes. Interim cantatur a choro dictus Hymnus, vel Allelúia, cum suo Versu ut supra. Quo finito, surgit Pontifex deposita mitra, et versus ad altare, dicit in competenti tono Glória in excélsis Deo, si sit infra Octavam Pentecostes, quod dum a choro perficitur, sedet cum mitra. Quo finito, deposita mitra, surgit, et versus ad populum, dicit : Pax vobis, vel Dóminus vobiscum, si Glória in excélsis non sit dicendum, et conversus ad altare cantat orationem Missæ diei, cum oratione pro ordinatis, et ordinandis, sub uno Per Dóminum nostrum, videlicet :

ORATIO.

**E**XAUDI, quæsumus Dómine, súpplícum preces, et devóto tibi pectore famulántes perpétua defénsiõe



custódi; ut nullis perturbatióibus impediti, liberam servitútem tuis semper exhibeamus officiis. Per Dóminum nostrum Jesum Christum Filium tuum, qui tecum vivit, et regnat, etc.

Finita oratione, sedet Pontifex, reassumpta mitra, et oblato sibi libro et candela, legit Epistolam. Interim per unum ex Subdiaconis noviter ordinatis cantatur Epistola. Qua finita, surgit Pontifex, et accedit ad faldistorium ante altare cum mitra, et ibi sedet. Promovendi vero ad Ordinem Diaconatus per Archidiaconum vocantur, dicendo: *Accédant, qui ordinándi sunt ad Diaconátum.*

Et mox singulatim nominantur per notarium, nulla tamen facta mentione de titulo. Eis igitur amictu, alba, cingulo, et manipulo paratis, ac stolam in sinistra manu, et candelam in dextera, ac dalmaticam super brachium sinistrum tenentibus, et in modum coronæ coram Pontifice genuflexis, Archidiaconus offerens illos Pontifici, dicit:

**R**EVERENDISSIME pater, póstulat sancta mater Ecclesiá cathólica, ut hos præsesntes Subdiáconos ad onus Diacónii ordinétis.

Pontifex interrogat, dicens:  
Scis illos dignos esse?

Respondet Archidiaconus:  
Quantum humana fragilitas nosse sinit, et scio, et testíficor ipsos dignos esse ad hujus onus officii.

Et Pontifex dicit: Deo grátias.

Et ad eorum ordinationem procedit. In primis Pontifex cum mitra sedens, clero, et populo annuntiat, dicens:

**A**UXILIANTE Dómino Deo, et Salvatóre nostro Jesu Christo, eligimus hos præsesntes Subdiáconos in ordinem Diacónii. Si quis habet áliquíd contra illos, pro Deo, et propter Deum cum fidúcia éxeat, et dicat; verúmtamen memor sit conditionis suæ.

Et facta aliquali mora, Pontifex convertens sermonem suum ad ordinandos, admonet eos, dicens:

**P**ROVEHENDI, filii dilectíssimi, ad Leviticum órđinem, cogitáte magnópere, ad quantum gradum Ecclesiæ ascénditis. Diáconum enim opórtet ministráre ad altáre, baptizáre, et prædicáre. Sane in véteri lege ex duódecim una Tribus Levi elécta est, quæ speciáli devotióne tabernáculo Dei, ejúsque sacrificiis, ritu perpétuo deserviret. Tántaque dignitas ipsi concéssa est, quod nullus, nisi ex ejus stirpe, ad divinum illum cultum, atque officium ministráturus assúrgeret; ádeo ut, grandi quodam privilegio hereditátis, et Tribus Dómini esse mererétur et dici: quorum hódie, filii dilectíssimi, et nomen et officium tenétis, quia in ministérium tabernáculi testimónii, id est, Ecclesiæ Dei, eligimini in Levítico officio, quæ semper in procinctu pósitá, incessábili pugna contra inimicos dímicat, unde ait Apóstolus: Non est nobis colluctátio advérsus carnem, et sánguinem: sed advérsus príncipes, et potestátes, advérsus mundi rectóres tenebrárum harum, contra spirituália nequitiæ, in cœléstibus. Quam Ecclesiám Dei, véluti tabernáculum, portáre, et muníre debétis ornátu sancto, prædicátu divino, exémplo perfécto. Levi quippe interpretátur ádditus, sive assúptus. Et vos, filii dilectíssimi, qui ab hereditáte patérna nomen accipitis, estóte assúpti a carnálibus desidériis, a terrénis concupiscéntiis, quæ militant advérsus ánimam; estóte nítidi, mundi, puri, casti, sicut decet ministros Christi, et dispensatóres mysteriórum Dei; ut digne addámini ad número eclesiástici gradus; ut heréditas, et Tribus amábilis Dómini esse mereámini. Et quia comministri, et cooperatóres estis córporis, et ságuinis Dómini, estóte ab omni illécebra carnis aliéni, sicut ait Scriptúra: Mundámini, qui fertis vasa Dómini. Cogitáte beátum Stéphanum, mérito præcipuæ castitátis, ab Apóstolis ad officium istud eléctum. Curáte, ut quibus Evangélium

ore annuntiatis, vivis opéribus exponatis, ut de vobis dicatur: Beati pedes evangelizantium pacem, evangelizantium bona. Habete pedes vestros calceatos Sanctórum exémpis, in præparatione Evangélii pacis. Quod vobis Dóminus concédât per grátiam suam. *R.* Amen.



Deinde, si non sint ordinati Subdiaconi, ordinandi omnes prosternunt se, ubi genuflectebant, et Pontifice ante faldistorium suum genuflectente, dicuntur Litanie, et ordinandi per Pontificem benedicuntur, prout supra pag. 34. in ordinatione Subdiaconi dictum est. Post hæc ordinandis ab accubitu surgentibus, genuflexis tamen manentibus, Pontifex sedens in faldistorio cum mitra, intelligibili voce alloquitur clerum, et populum, dicens:

**C**OMMUNE votum, commúnis orátio prosequatur, ut hi totius Ecclésiæ prece, qui ad Diaconátus ministérium præparantur, Leviticæ bene *✠* dictionis ordine claréscant, et spirituáli conversatióne præfulgéntes, grátia sanctificatiónis elúceant; præstante Dómino nostro Jesu Christo, qui cum Patre, et Spiritu sancto vivit, et regnat Deus in sæcula sæculórum.

Deinde surgens cum mitra Pontifex, stans versus ad ordinandos dicit, alta voce legendo:


**O**REMUS, fratres charíssimi, Deum Patrem omnipoténtem, ut super hos fámulos suos, quos ad officium Diaconátus dignatur assúmere, benedictiόνis suæ grátiam cleménter effúndat, eisque consecratiónis indúlta propítius dona consérvet, et preces nostras cleménter exáudiat, ut quæ nostro gerénda sunt ministério, suo benignus prosequatur auxilio; et, quos sacris mystériis exequéndis pro nostra intelligéntia crédimus offeréndos, sua bene *✠* dictione sanctificet, et confirmet. Per unigénitum Filium suum Dóminum nostrum Jesum Christum, qui cum eo, et Spiritu sancto vivit, et regnat Deus.

Deinde, deposita mitra, extensis manibus ante petus, dicit:



omni-po-tens , æ-ter-ne De-us , ho-norum dator ,  
 or-di-num-que distributor , at-que of-fi-ci-o-rum  
 dispositor , qui in te manens in-no-vas o-mni-a ,  
 et cun-cta disponis per verbum , vir-tu-tem , sa-  
 pi-en-ti-am-que tu-am , Je-sum Christum Fi-li-um  
 tu-um Do-mi-num nostrum , sem-pi-terna pro-vi-  
 den-ti-a præ-pa-ras , et sin-gu-lis qui-bus-que  
 tem-po-ribus aptanda dispensas. Cu-jus corpus ,



ee-cle-si-am vi-de-li-cet tu-am cœ-le-sti-um gra-  
 ti-a-rum va-ri-e-ta-te distinctam , su-o-rum-que  
 con-ne-xam di-stinc-ti-o-ne mem-bro-rum , per  
 le-gem mira-bi-lem to-ti-us compa-gi-nis u-ni-tam ,  
 in augmentum tem-pli tu-i cresce-re , di-la-ta-  
 ri-que lar-gi-ris ; sa-cri mu-ne-ris ser-vi-tu-tem  
 tri-nis gra-di-bus mi-ni-stro-rum no-mi-ni tu-o  
 mi-li-ta-re con-sti-tu-ens ; e-le-ctis ab in-i-ti-o



Le-vi fi-li-is , qui in mysticis o-pe-ra-ti-o-ni-bus  
 domus tu-æ fi-de-li-bus excu-bi-is permanentes ,  
 he-re-di-ta-tem be-ne-di-cti-o-nis æ-ter-næ sor-te  
 per-pe-tu-a pos-si-de-rent. Su-per hos quo-que  
 fa-mu-los tu-os , quæsumus , Do-mine , pla-ca-tus  
 in-ten-de , quos tu-is sa-cris al-ta-ri-bus ser-vi-  
 tu-ros in of-fi-ci-um Di-a-co-na-tus sup-pli-ci-ter  
 de-di-ca-mus. Et nos qui-dem tam-quam ho-











mi-nes , di-vi-ni sen-sus et summæ ra-ti-o-nis  
 ig-na-ri , ho-rum vi-tam , quan-tum pos-sumus ,  
 æ-stimamus. Te au-tem , Domine , quæ no-bis  
 sunt ig-no-ta , non trans-e-unt , te occul-ta non  
 fal-lunt. Tu co-gni-tor es se-cre-to-rum ; tu  
 ser-u-ta-tor es cor-di-um. Tu ho-rum vi-tam  
 cœ-le-sti po-te-ris ex-a-mi-na-re ju-di-ci-o ,  
 quo sem-per præ-va-les , et ad-mis-sa pur-



Hic solus Pontifex manum dexteram extendens ,  
ponit super caput cuilibet ordinando ; et nullus alius  
quia non ad Sacerdotium , sed ad ministerium conse-  
crantur , dicens singulis :

**A**CCIPE Spiritum sanctum , ad robur , et ad resisten-  
dum diabolo , et tentationibus ejus . In nomine  
Dómini .

Postea prosequitur in primo tono , extensam tenens  
manum dexteram , usque in finem Præfationis .





suc-ces-si-bus de in-fe-ri-o-ri gra-du per



gra-ti-am tu-am ca-pe-re po-ti-o-ra me-re-an-tur.

Quod sequitur, dicit submissa voce legendo, ita tamen quod a circumstantibus possit audiri.

Per eúndem Dóminum nostrum Jesum Christum Filium tuum, qui tecum vivit, et regnat in unitáte ejúsdem Spíritus sancti Deus : per ómnia sæcula sæculórum. *r.* Amen.

Post hæc Pontifex sedens cum mitra cuilibet ordinando ante se genuflexo, stolam, quam singuli in manu habent, imponit successive super humerum sinistrum, dicens singulis :

**A**CCIPE stolam ✠ cándidam de manu Dei, adimple ministérium tuum: potens enim est Deus, ut áugeat tibi grátiam suam. Qui vivit, et regnat in sæcula sæculórum. *r.* Amen.

Faciens supra quemlibet eorum signum crucis; et ministri reflectent capita stolæ, et alligent sub brachio dextro.

Post hæc Pontifex accipiens dalmaticam, induit ea quemlibet successive, usque ad humeros, et sic fit usque ad ultimum, quem ea totaliter induit; et hoc, si una tantum sit dalmatica. Si vero quilibet suam habet, tunc singulos sua totaliter induit, dicens cuilibet :

**I**NDUAT te Dóminus induménto salutis, et vestiménto lætitiæ, et dalmática justitiæ circúdet te semper. In nómine Dómini. *r.* Amen.

Postremo Pontifex accipit, et tradit omnibus librum Evangeliorum, quem manu dextera tangunt, dicens :



**A**CCIPE potestátem legéndi Evangélium in Ecclesiá Dei, tam pro vivis, quam pro defúctis. In nómine Dómini. *r.* Amen.

Quo facto, Pontifex stans ad altare conversus dicit, sine mitra: *Orémus.*

Et ministri: *Flectámus génuá. r. Leváte.*

Et vertens se ad ordinatos, dicit :

**E**XAUDI, Dómine, preces nostras, et super hos fámulos tuos Spíritum tuæ bene ✠ dictiónis emitte; ut cœlesti múnere ditáti, et tuæ majestátis grátiam possint acquirere, et bene vivéndi áliis exémpulum præbere. Per Dóminum nostrum Jesum Christum Filium tuum, qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. *r.* Amen.

OREMUS.

**D**OMINE sancte , Pater fidei , spei , et grátiae , et profétuum remunerátor , qui in cœlestibus , et terrénis Angelórum ministériis ubique dispósitis , per ómnia eleménta voluntátis tuæ diffúndis effectum , hos quoque fámulos tuos spirituáli dignáre illustráre afféctu ; ut tuis obséquiis expediti , sanctis altáribus tuis ministri puri accréscent ; et indulgéntia tua purióres , eórum gradu , quos Apóstoli tui in septenárium númerum , beáto Stéphanó duce ac prævio , Spíritu sancto auctóre , elegérunt , digni existant ; et virtútibus univérsis , quibus tibi servíre opórtet instrúcti , tibi compláceant. Per Dóminum nostrum Jesum Christum Fílium tuum , qui tecum vivit , et regnat in unitáte ejúsdem Spíritus sancti Deus , per ómnia sæcula sæculórum. *ñ.* Amen.

Deinde , cum tempus fuerit , aliquis de noviter ordinatis dalmatica indutus Evangelium dicet : Ordinati autem statim , suggerente Archidiacono , redeunt ad loca sua.

## DE ORDINATIONE PRESBYTERI.

Pro Ordinatione Presbyterorum parentur oleum catechumenorum ; Calix cum vino , et aqua ; Patena , et Hostia desuper posita ; medulla panis , et bacile cum buccali pro manibus abluendis , quas singuli ad suas mappulas extergunt.

**D**IACONIS ordinatis , Pontifex ad sedendum in sede sua , vel in faldistorio in plano juxta cornu Epistolæ accedit , et cantatur Tractus , usque ad

ultimum Versum exclusive , vel , si sit infra Octavam Pentecostes , Tractus , et Sequéntia , usque ad ultimum Versum exclusive. Interim accedunt duo Capellani cum libro , et candela ante Pontificem , qui ex eo legit ipsum Tractum , et Sequéntiam , usque ad ultimum Versum exclusive. Deinde Pontifex cum mitra revertitur ante altare , ubi sedet super faldistorium.



Tunc Archidiaconus vocat ordinandos voce intelligibili dicens : Accédant qui ordinándi sunt ad órđinem Presbyterátus.

Et mox nominatim leguntur per notarium , prout supra dictum est , nulla tamen de titulo facta mentione. Tunc illi more Diaconorum parati , amictu , alba , cingulo , stola , et manipulo , tenentes planetas super brachium sinistrum complicatas , et in manu dextera candelas , ac mappulas albas pro ligandis manibus , ad Pontificem accedunt , et coram eo in modum coronæ se disponunt.